

摘藻堂四庫全書薈要

集部

欽定四庫全書薈要

集部

御製詩三集卷十五

十六



詳校官原任編修  
徐立綱

欽定四庫全書薈要卷一萬三千四百四十四

集部

御製詩三集卷十五

古今體一百二十一首

辛巳七

季夏太和殿視朝

夜陰晴雲未消朝氛歛盡旭光昭或緣敬事蒙

天佑雖喜宜農戒意驕恭已奉三欽宸御宅中圖治慎

衣宵林鍾東序聲韶樂應月詳求律呂調

先是設朝皆用黃鍾宮樂

部奏定十二月  
各用其律從之

淑清院二首

朝罷乘涼御苑歸  
淑清咫尺換朝衣  
假山古即真仙境  
松籟生寒翠十圍

石罅淙泉聲益壯  
竹梢滴露翠猶深  
卅年前此徜徉者  
迴憶原無此日心

千尺雪

引流亦藉天然勢  
雨後崢嶸落激湍  
底識不孤盛名處  
坐來六月却生寒

望瀛臺未至寄題其壁

御園宜夏日亟圖赴爽還液岸度肩輿過置咫尺間著  
句題其壁亦如親歷旃試看昔親歷所題奚殊焉瀛臺  
信瀛臺木石皆神仙笑似拏腕人可望不可攀

樂善園小憩

長河進輕舫上水畧成遲沿墅宛然在夏涼小憩之徑  
何妨草蓐窓或有蛛垂野趣宜清賞因題五字詩

長河進舟至昆明湖觀農攬景因成四首

倚虹堂畔放煙舟慶典攸關事飾脩幾度往來經指示  
歡心無不為

添壽

治園小憩便教行最喜西山放曉晴撲面青含風兩岸  
冀酬農父力田情

萬壽精藍河岸邊松杉出寺影蒼然今朝風利不成泊  
試問闍黎可是禪

誰云上水船難進攬結斯須亦至湖一片空明無色界

鳳凰墩在鏡中圖

夜雨

六月廿六日

欣纔兩日晴聽厭徹夜雨情知時行節易致商羊舞潤  
物雖為澤太過恐無補早田縱不礙麥後苗新吐明朝  
晴始佳卜度憂心怕浩浩聽勿休解悶詠工部

豈慮我屋漏豈虞我階侵君牙有明言怨咨懷墊沈淫  
溢殃廬舍補葺尚可任過甚乃傷稼何以當洪霖展轉  
冀歛翳不寐愁予心

喜晴六韻

金翼曉光鋪天衣有若無不能成眷戀遂以散斯須赤  
日午炎盛碧空夕景殊宜賜新穗曝去溽晚苗扶屋免  
致淋嘆田歌望歲娛今朝晴始定愁與亂雲徂

隅溪聞鶴聲

隅溪非迴絕依約聽脩然必自孤松頂或由詭石邊悠  
揚度雲水窅亮勝絲絃如在蓬瀛上聞聲不見仙

稻穗



五月早稻熟此言炎方郡漸北即漸遲自緣關氣運燕  
山獲九月匪因農弗勸七八月見穗例事常年分今歲  
雨暘時五穀助長進六月見稻穗喜非望中信陰晴殊  
未定為此惕且慎籲

天賜快霽西成冀豐順要務無餘竒予責敢旁引叶多  
稼題軒楹勤農仰

庭訓

悅霽亭

輟翳澄氛頃刻間碧天如洗倚青山恰宜悅霽亭中坐  
數日愁消片晌閒

鑑光樓

拾梯似開奩俯窓如拂鑑在器斯已大在塘詎云欠澄  
渾半畝貯無藉風漪潋衣冠正有餘鬚眉照不厭於水  
喻何妨於民凜敢泛

荷香亭

湖中厭藻蓐畜鯢食以淨因之殃及荷霞朶無全柄植

箔如蟹斷毆鰈種藕竟夏月原有荷水亭香錦映一轉  
移之間是在格物性君子藉栽培械樸周詩詠誰云涉  
趣處不可通為政

六月廿九日青龍橋西即事二首

乘涼問山園亦因驗農事積水率已消良苗暢新霽更  
慶未前聞早稻已吐穗此後得宜暢冀可稱稔歲每過  
青龍橋為之遲按轡

橋西不五里近接玉泉山山氣翠蔚佳已在眉宇間路

右帶野村路左皆水田村房被霖頽即此知民艱未可  
聽荒落為之葺以官子輿闢子產惠之行所安

題翠雲堂

書堂經歲坐似此竟奚庸自是心無逸亦慙步有慵  
聲前後續花影去來重好在惟雙枯森森翠越濃

甄心齋口號

一過佳處觀大意暖席坐曾罕遇之今日高齋消半刻

為吟七字得便

平聲宜

影湖樓十詠

天光

湖樓縹渺水中央  
艤棹攀梯納夏涼  
不著太清些子翳  
舉頭落落祇天光

雲縷

極目天邊一縷雲  
今來却少見為欣  
須臾散去無蹤跡  
水裏何曾半點分

山容

西山微遠北山近翠邏青圍碧鏡中  
鹿苑蜂臺胥佛力  
携將峰色住於空

波態

波光翻影上楣欄拂暑風來漾細瀾  
恰似當前展畫幀  
於流動處正宜觀

塔影

定光突兀玉峯頂八面玲瓏十丈披  
乍憶杭西盪畫舫  
南屏塔影落湖時

鐘聲

招提不著俗僧住也有鐘聲下界聞底事十分清入聽  
度來水氣帶氤氲

鶴唳

方壺曾是唳雲濤小試溪山亦自豪設使伯牙遜鐘撫  
定成朗朗水仙操

蟬吟

圍湖綠柳已成陰寂喜高蟬喚霽吟誰道脇鳴物無識

此聲端愜望晴心

樹色

高低樹色影波中  
倒正雖殊動靜同  
恰似美人臨玉鏡  
絲絲綠髮不勝風

荷香

仙想精神霞想裳  
層樓小憩水風涼  
沈檀甲煎都無藉  
自在光中自在香

時哉行



昨日之昨不可追今日之今去若馳去歲望今年猶覺  
稍佇延今年視去歲不啻俄頃事以此例彼三萬六千  
日駒隙之譬誠非失佛氏刹那不住學未遑且學惜陰  
凜無逸

七月朔日作

太室嘗秋辰周詩詠豳日伏暑行將消白藏已應律三  
朝欣快晴扶桑晨旭出荷擎曉露灑竹透爽風疾立秋  
雖尚遲秋意漸已悲惜陰覺時速依節欲候秩杓鑿實

並行澄觀契神謚

詠拔達克山汗素爾坦沙所進斧

有序

素爾坦沙自獻俘奉貢夙著悃忱後因遣侍衛等  
齎勅宣諭各部拔達克山復以使臣還朝疏進方  
物中有斧一白金鏤錯文蓋回製所重也詩以誌  
事且鐫諸函

齊斧方戡亂蠻書遂獻誠嘉忠頒厚賚貢物表衷情肅

肅喻由義蛾蛾叶利貞

斧刀蛾蛾利匠人之貞見太元經

匱藏無所用

聊識武功成

王時敏片石雙松圖

松有寒濤石有稜飽叅黃海得相應英雄故是欺人慣

偏說離塵異允冰

見時敏  
自識語

熱

七月初  
五日

午熱殊迫逼揮扇猶汗流晶陽不可當誰云已孟秋多  
有望雨意忘前對霖愁展轉期順適人願實難酬我雖  
知此非為田違無由究亦同云然今宵其雨不

漢玉穀壁

車口中規團量盈五寸寬重農惟漢詔典瑞在春官劉  
刻渾無迹豐綏兆有端寧須拘子執香宸侑銘監

雨

七月初  
六日

及旬喜快霽半夜雨何礙簷溜掇入聽床簟清可愛  
熟將盡驅晚蕎澤倍速今歲實厚幸如願

天恩賚亨順易驕矜謙懼吾敢懈

討源書屋對雨

昨日傳宣曉問

安雨如不詣是矜端晨趨退食對雲霞恰喜衣衫生薄  
寒

雨中泛舟迴御園

簾林前後一舟通進止惟欽退百工欲返御園盪蘭棹  
煙絲風片尚濛濛

水光接上漲溪濱溪畔新蕎潤意勻今日昆明聊不泛  
恐妨衣履濕多人

眄來涼雨甫生喜霽勢微長轉惘然却擬豐隆聽我語  
只宜此日不宜連

題趙伯駒仙山樓閣

層臺出白雲王母候東君俯目壺鴻見咳聲霄漢聞到

寧許方士寫或法將軍

見沈周識語

漢武斯希緬吾惟政是

勤

七夕偶題

工部詩情真卓越柳州文筆獨詼諧却思天上女牛宿

安識人間歲月排且喜新晴宜巧會湯教細雨泣重乖

俗傳七夕必雨為牽牛織女泣別頗有應者

綵棚蛛盒隨節令誰復殷勤兒

女懷

晚晴

時晴時復陰雲容殊未讓輟翳為欣慰繼霽頃惆悵曾  
忘一日前展轉其雨望甫足即虞多自覺近孟浪嘈嘈  
雲亦厭傍晚晚大晴放

立秋

七月初八日

立秋有常諺難遇雨而晴

農諺以立秋日無雨秋霖必多過大則反是惟始雨復晴

為佳是日正叶其占

正值洗車應旋看翻壁明寧須太史候堪慰

老農情協紀原吾職惟欽奉若誠

載月

秋月耐可泛况值滯雨晴時哉不可失水面爽風生漾  
我平安居月鏡載分明輪是欲圓好光因入秋晶懋勤  
筆硯隨及岸五字成

得全閣



飛閣流丹碧水涯遙竒近概覽無遺微言偶憶淳于氏  
君道何妨絜矩思

戲題君子軒

萬个圍三間過雨翠如洗入秋意已涼篩月光猶美風  
度曲江張瀟灑山東李更有勝人處自不道君子

接葉亭

依林構小亭林蔚亭接葉雖非杜製茅藉悟王傳帖

王逸

少有竹

葉帖 月穿如褰幔風度似搖箴颯沓與靜謀時節惟

秋愜本來却輕輿  
逕宜延步屨

陸治鳧鷖圖

秋水蘆花弄影鮮  
在淥在渚意悠然  
可興為繹葩經旨  
恰是生民第四篇

晴

七月初十日

三日陰晴間  
既雨虞過多  
我心尚如此  
奚怪民怨嗟  
思艱圖其易  
職思可諉他  
今朝雲盡斂  
乾貺綏晴和  
浹旬祝宜賜  
屢豐庶可歌

王暈倣王蒙秋山讀書圖

耕煙已自倣黃鶴又道山樵法巨然

見王暈白識語

非說攸聞

不師古祇應佳處讀遺編

晚晴落景

已是雲閒候欣逢日曝時幾縷不成章  
幻為霞彩披彩復漸隱散碧天空四垂  
東林有奇觀燭燭翻高低蟬鼓個儻聲  
荷敲瀟灑枝可以泛蘭船月光正朗宜

西北風二首

春厭西北風為驅雲阻雨秋喜西北風為驅雲雨阻雨  
之德為澤有宜不宜時習習者彼風豈能分別知今朝  
來西北宜暘即因喜三春見生愁蓬然者亦此風本無  
美惡人實有愛憎宜時斯為佳箕疇曰休徵

華之所謂西回之所謂南厄魯所謂北一方名已三所  
知即如此定向終誰覃想其不知方屈指數弗堪此之  
所謂是勒彼從弗甘達觀者莞笑史榮多斯談

題職貢圖八韻

累洽重熙四海春

皇清職貢萬方均書文車軌誰能外方趾圓顱莫不親  
那許防風仍後至早聞干呂已咸賓塗山玉帛千秋述  
商室共球百祿臻詎是索疆恢此日亦惟

謨烈賴

前人唐家右相堪依例畫院名流命寫真西鰈東鷁覲  
王會南蠻北狄秉元辰丹青非為誇聲教保泰承

庥慎拊循

秋夕泛月

秋月最宜人  
蟾光清朗如惟是  
間陰晴往往藏  
夜珠今夕乃大霽  
時哉不可孤  
碧天坦蕩蕩誰能  
限邊隅豈無衆星  
羅月在餘如無我  
時乘蘭舟徘徊泛  
御湖愁為宜  
暘消興因對月  
攄點筆亦成章  
意與青蓮殊

泛月四詠

霽月

恰喜今宵霽  
景新滿懷  
冰鑑迴怡神  
設云品格誰能匹

宋史中曾識此人

水月

內空外空內外空千江曾是一輪同  
透徹猶將過鏡象  
清華端合配松風

山月

御湖雖祇假山圍一例林橫復嶺巍  
稍待徘徊出牛斗  
子瞻七月是耶非

舫月

年年載月適幾餘舫是平安月鏡居清影隨人知樂意  
不煩迴棹治軍書

王翬松風書屋圖

茅堂大壑濱翰墨自相親舊矣青氍席飄然烏匿巾聲  
流碧濤籟陰覆老龍鱗榮杖隔谿者應來問字人

昆明湖觀荷

幾日因循未此過趁晴沿泛一觀荷湖寬分出花無萬  
君子由來不厭多



葉態花姿總絕塵  
依依照影入清淪  
露灑秋曉微風過  
亂瀉圓珠是水銀

練橋過去鏡橋來  
來去都欣淨植陪  
分付篙師須慢著  
衆香國裏得徘徊

寄瀾堂

前瀾為過去後瀾為方來  
現在不可得寄瀾如是哉  
徒觀漪漾者中有至理該  
萬物總一致妙趣契清陪

清可軒

萬物到秋清巖軒清寂可石壁育仙茅山祖綴野果開  
牕有金颺眇宇淨雲朶匡床簟席涼適得片時坐步磴  
拾松枝便試竹爐火

題惠山園八景疊舊作韻

載時堂

滿擬周公禾號書邇來愁惹得霖餘偷閒快霽聊消悶  
那學匡床晝寢予

墨妙軒

王家一筆見奇書並弄蠅頭論望諸

二種皆石渠寶笈舊藏上品

雖

是此軒號青出積薪猶欲不忘初

就雲樓

近來亟欲雲間去偏是高樓曰就雲却向西風思致語  
一施神技與吹分

澹碧齋

池齋每對輒心開衣履都教絕點埃如此佳哉山水處  
一年屈指兩三來

水樂亭

誰奏泠泠蜀國絃  
徐看石罅細流懸  
為宮為徵徒摹擬  
有此原從太古年

知魚橋

香霞蔚覆淨琉璃  
極樂國中解夏時  
便是遊鱗那無樂  
欲嗤莊叟太言知

尋詩選

奇峯詭石解招攜  
即是黃金刮眼鉤  
快霽一天殘暑退

得教觸景此拈題

涵光洞

風人尚絅惡輝光善現由來貴善藏石洞空空了此義  
心燈朗照正中央

居節山水

石泉萬仞落屢屨流去誰能計里知散髮幽人濯雙足  
別開生面左家詩

題飛雲軒

春翼英英作勢濃秋希歛盡不遺蹤坐軒棘欲雲飛去  
軒笑不知何所從

悅霽亭即景

一歲常一度此亭坐片時中元節至矣霽色恰當之迴  
洗天心朗晶懸日面披今朝真即景所悅在暘宜

中元夕復雨有作

是日盂蘭節令逢豈真聽法有天龍潏潏雨勢殊未止  
簇簇雲容尚爾濃拂岸聲喧幾楊柳入湖光暗萬芙蓉

需清塵耳無需甚

將以十七日啓蹕幸避暑山莊行秋獮

非為秋巡實為

農

題錢維城秋山圖

紅葉蒼枝間翠松四山舉目是秋容  
跨溪水碓偏宜置香稻收來正好春

七月十七日幸熱河以雨瀋命誠親王恭扈

皇太后駕俟路燥後行雨中登程跋馬成什

撰良啟駕早傳宣可以秋霖遽易旃敬念

慈寧登大慶雅宜

安樂養高年親藩扈

蹕候塗治宮眷隨行視

膳便涉潦何妨徐按轡習勞更欲閱農田

行潦一首

行潦錦雲騅

所乘良馬名

如履地騰蹕滑刺靈淖中穩步忘

動搖一路驗黍禾切切心不樂

叶

高坂實無害低溝忍

致澇行宮六十里申牌亦已到

叶

宣傳有司官勸恤莫



遺報跋瀼彼何妨巡秋此最要

愁霖

愁旱雨弗來愁霖雨弗去弗來愁猶間

去聲

弗去愁獨遽

辟如望賜人得佳否如故痛楚迫身者不離將益勗北  
地多愁旱或亦我熟路愁霖實鮮適十歲偶一遇以鮮  
越難慣可用知今度涔涔時作止傍晚晶陽露明朝冀  
快晴大田庶不悞

石槽行宮駐蹕遣緒

枕上夜雨愁聽闌朝晴仍復駐征鞍昨來山水暴怒漲  
僕從溪畔徒俄延已矜露處立泥濘那更驅迫俾來前  
命人拏舟普濟度舟少拍掬翻遲難行宮清憩亦覺逸  
待衆反側無遑安錦雲雕縱善行潦獨先安之古有言  
懷柔縣東疊去歲詩韻

去歲此經乾石灘今秋一望潦水寬柳橋縛架又值難  
昨宵待宿工就艱逍遙河上風人言前秋景況今復然  
去歲過縣東秋潦已盡視已郊經此新漲方盛情景迥  
殊曾有詩紀事今年所值與前歲畧同命侍衛等相視

便道測流徑渡並不需  
前詩焚棧絞縛之勞矣

一二地方吏來赬請罪進寸退

且咫笑謂更不須汝曹羽林一一雄材美厄魯回人尤  
色喜撒捩踴躍善行水牽駝驅馬須臾間輕袞運畢百  
度理我亦乘舟渡河已

### 山田

山田過潦沙痕浮三日快霽蒙

天麻高原芄茂固無恙下隰仍可强半收迴思春夏特  
美善小不足此餘福留究彼一隅斯受歎申命有司詳

恤凋復聞關外水易下黃雲遍野將登秋然千聞不如  
一見明當按轡觀從頭

出古北口即事四首

千山雨過水歸壑五日晴浮爽拂人古北年年雖熟路  
一番秋景一番新

潮河波湧構橋艱野舫乘浮過石灘負捆牽馱爭問渡  
滿川旅况駐驄看

山蹊避潦昔曾經廿里行宮午憩停厄魯興州來扈駕

哈邦弗著戴花翎

厄魯特舊著哈爾邦帽今居熱河者皆易中國冠服來接駕哈爾急呼之

則為一字云

隔河迎駕畢招來奔走宣勞實壯哉一百年前此關外  
却看頽廢有屯臺

### 關外

關外田經歷歷看不禁額手為農歡高原固喜倉箱近  
下隰依然穎粟攢菜圃瓜棚賴生計思艱圖易厓心官

更披方伯情形報

方觀承奏勘近京各屬大雨後窪地被淹之處高粱早禾業經秀實惟晚

苗力弱豆糜不耐久浸今自十八暢晴水退而  
暄熱未減精粒頓湛無礙豐登殊慰懸切也  
五日愁

懷一日寬

七月廿四日常山峪行宮作

潦盡朗秋晴

大安亦啟程

是日識親王奏報恭奉  
慈輦登程駐石榴

溪橋胥穩駕

沿途  
留諸

臣董率地方吏  
脩除橋路皆就

巖館忽前迎香撲青楓坂虛生白室楹

後山親獲鹿飛騎進

行營

駐蹕喀喇河屯行宮作

暑氣入秋澄

昨日廿四過處暑候

嵐光依塞凝巖宮騎馬到松牖

望山憑地迴市聲遠歲和農務登興州沿革蹟文獻有誰徵

灤陽別墅

灤北有書堂乘流渡野航久晴猶盛漲處暑得微涼興與秋為約心無逸是常對時將育物體驗不拘方

虬蓋亭

千嶂通單徑一亭具四臨納涼成小坐延趣省幽尋寒  
益清秋景響含灤水音不須張翠蓋虬榦有佳陰

至避暑山莊即事

三朝秋潦暫稽程策渡輕裘趁快晴咫尺仙莊亦莅止  
萬千寶穡可登盈

堯年家法依然仰

任馭輿梁已就成侍衛馳來知

悅豫慰哉懸切寸心誠



永恬居湯題

關內度秋霖一刻似三日關外閱晴稼日三似刻一厯  
喜易愁難百年同是律何如太古山復此虛白室無喜  
亦無愁止止恒祥吉

創得齋

松下石門僻巖端栢棟深初來即創得觸目總怡心山  
靜有餘趣秋雲無定陰經年彈指頃應與暢幽尋

枕碧樓

高與蒼松齊項背靜將翠嶺接精神經年權借山公領  
今日依然屬主人

題食蔗居

食蔗末益甘是居有若是石溪幾轉遙巖逕百盤裏十  
步不見屋見屋到尺咫攀磴坐南榮縱目在千里信馬  
去秋得斷手今年笑三間與初名萬象該精旨此無警  
句酬想乃無其理

小許菴

食蔗居旁小許菴更難小矣大偏含擬於方寸猶為大  
可識名言總戲談

倚翠亭

虛亭倚巖壁翠色迴含秋悅可容雙膝遙宜縱遠眸老  
松自古獨衆木尚陰稠杜句雖恒憶謂賦詩何必多其如興每  
投

詩思

詩思由來奚所似雲依山起月臨池試猜無著分明是

便問何因自不知兩漢三唐彼糟粕宵衣旰食我君師  
先憂分也時後樂拙速當之謝巧遲

園鶴

園鶴年年飽稻粱每因尋鹿試神鎗一般都是仙家畜  
無可欲惟爾所長

塞蟬

綽爾齊爭噪霽川

關外蟬不入關內其音較內地宏而直蒙古謂之綽爾齊綽爾齊者胡茄

奏曲人謂其聲似故名之

天然南北限雄邊中庭地白傳陳語曰和

明君撥四絃

熱

處暑節已過暑氣尚爾盛此地稱清涼鬱陶勢偏競宜  
稼固云佳蒸雲斯為病窪田漲甫消溝塗泥猶溽對時  
祇祝晴憂民吾本性

雨

七月廿  
八日

一夜喜晴月五更山吐雲固知熱所致其奈雨偏聞那  
覺溟濛好惟希霰黷分石梁縱坦治無乃

大安勤

青石梁為出口第一大嶺是日慈蹕應過此

題敞晴齋

一壑自綜妙三間正敞晴適來欣霽景便與勒新名雲散若無力山迎最有情吾心喜猶別多稼近西成

繪韻樓

繪事奚稱佳氣韻貴生動然實人所為靈機出心孔豈如造化工無為無不總時行與物生肖翹荷天寵因悟六法兼益凜三無奉

清綺書屋

蘿蹊縈繆石泉潺書屋蕭然得此間  
松籟有聲真避暑  
芸編無射寢消閑  
言清見說元祠部  
練綺不希李義山  
策馬湯隨夕靄下  
崇櫺迴望失林關

山心精舍

山心有招提  
恰似水中月  
大士坐如如  
清淨衆香醇  
返聞得真寂  
孰髓孰為骨  
蔚翠自有常  
受虛總無竭  
適從西嶺下  
聊就北齋歇  
即目與題名  
匪云學禪悅

觀瀑

虛榭又來憑飛泉恰絕勝喧於聞處  
寂素與望中澂六律渾非樂一條  
都是冰自詩自成和差免誚徐凝

快晴

半夜雲開星有點四山風落雨無聲  
已欣攬被殘暑退便起披衣曉氣清  
把筆批章曰幾勅臨門觀射以材程  
今朝益覺仙莊好都為金鷄報快晴

嘉樹軒



一樹當軒翠鬱森，構成樸斲就嘉陰。  
因知事半功常倍，理趣逢源總可尋。

題綠雲樓

巖齋領要即如樓，況是真樓在上頭。  
澗葉巒枝皆蔚翠，朝嵐夕靄却澄秋。  
心閒乃自雲閒得，逸趣都因綠趣投。  
何必沈家誇八詠，千年風月占興州。

清舒山館

紆步因延賞，騁懷在集虛。  
有書照今古，無物惹清舒。  
花

桐莊生蝶池飛寧氏魚秋光自滿落不異卅年初

再題敬晴齋

今日快晴實異常今朝始覺有秋光風來谷口全含峭  
泉出峯腰半帶涼萬木清暉入葱蒨三霄空翠落晶陽  
詎予獨暢遊山興多稼將登喜若暘

玉琴軒

一水階前環碧濔泠泠常作七絃調雅予入耳會心處  
不在徵招在角招

陝甘總督楊應琚奏報甘省豐收已定詩以誌慰  
甘涼稱地瘠民貧處窮邊前者用武際適遭災歉連賑  
救不遺力廼得運轉旋去歲實大收今春麥獲全方伯  
茲奏報稔可定大田額手為民慶况無秋稅牽元氣庶  
因復比戶飽食眠幸哉大兵後屢遇綏豐年總荷  
皇天慈於我何有焉

御製詩三集卷十五

欽定四庫全書薈要卷一萬三千四百四十五

喜部

御製詩三集卷十六

古今體九十三首

辛巳八

七月晦日恭迎

皇太后駕至避暑山莊因成長句

時巡減從敬前驅令日

安輿登坦途

溫清旬餘濶

萱祀

起居十里迓蘭衢仙莊依例鶴齋憩

松鶴齋即  
聖母寢殿

佳景

欽承

鳳輦扶澗葉巖葩都瑞色千秋萬歲奉

慈娛

再題創得齋

昨歲初得齋即景名以創前日乃重來額已題簷上今  
朝復著句熟處誰能忘創得自千秋日新無故狀

夕佳樓

天高氣霽萬峯排夕景今朝果是佳却悟此佳不因境  
大都憂樂繫人懷

千尺雪

塞中沙水曲千灣過雨渾流落下潺便使六雲真箇對  
的應今日是巘山

筠鑪瓷椀半幽嘉綠水浮香便試茶雖是習勞毖武地  
奚妨清供學山家

澹然鏗爾復純如千斛塵蠲水石居西苑盤山將惠麓  
異同同異漫分疏

靜寄山房

六根意無定出入刹那頃與其寄於動寧教寄於靜靜  
固不在外亦頗觀乎境不然佛成道奚在明星耿山房  
翠微間而帶清溪洄花木脫凡姿禽魚契平等大圓鏡  
智中吾將事清省

河南巡撫常鈞奏報秋潦河漲漫溢大隄諸情形



詩以誌事

俗稱三白滂適當孟秋際撰辰早定期雨中因啓蹕將  
謂偶行潦跋涉何妨試南望雲勢重齊豫早厘意由來  
纔逾旬方伯飛章至七月十七八霖霖日夜繼黃水處  
處漲焚棧難為備遙隄不能容子堰徒成棄初湯黑堙  
口復漾時和驛叶侵尋及省城五門填土閉乘鄣如戒  
嚴為保廬舍計吁嗟此大灾切切吾憂繫言念此方民  
饑洊臻往歲疏瀹命朝臣

豫省水利向以瀦洩失宜民田頗苦淤墊歲丁丑命侍郎

表曰修會同前撫臣胡寶琮相度  
各工大加浚築比年並獲有秋

救民不惜費近年頗

獲豐甫得復元氣而胡更遇澇灾較前尤劇

叶

所幸河

歸槽漲灘斷流墜城郭庶無恙佳音日夜跂其餘被水

郡諄諭勤周濟前功不可廢朝中遣大吏輕車自成竹

時常鈞甫經莅任表曰修於黃沁源  
流素所諳悉即令馳驛前往會勘

為我蘇殿屎

叶

啟

行值塗瀉僕從已多懟豈知北輶南額手感

天賜萬方吾保赤一飢已所致盈虛敢諉數調燮惟增

愧

再題創得齋

路轉峰迴得石關，巖齋小坐眇秋山。  
目同碧宇朗無盡，心與白雲散以閒。  
暖勒疊林猶綠綠，潦收幽澗尚潺潺。  
來經慣矣疑始遇，信有移情是此間。

夕佳樓

傍晚常教信馬來，千峰夕照翠雲堆。  
因緣時節宜留句，又得松窓片刻陪。

含粹齋

齋倚西山得陰早門臨北澗對泉清固欣秋熟宜農計  
却逐風涼暢塞情鹿始分羣試聲懶鵲猶引子學飛生  
仰觀俯察皆義象含粹從窺

周易精

繪韻樓

別墅無多據綠椒樓窓更俯萬峰標林巒迴薄皆神韻  
不藉丹青繪獨超

荷一首

御園荷欲闌山莊荷正放沿隄已宜觀而况漾輕舫左  
右皆君子居州奚數量松栢擬後凋雲霞豈時尚幽香  
拂山籟冷艷照野漲耐時異求人曰惟得之讓

### 塞山夕景

園中有塞山可識斯園美尋鹿遂因晚夕景更無比晴  
靄落微涼斜陽絢峰紫紫漸隱莽蒼都失千林綺惟餘  
傑池狀高下寥天倚萬化與冥合子厚揭妙旨彼得固  
其易而我艱得理於艱乃易逢不可無言紀

靜寄山房四題

假山

翠扶青蔚圍孱顏那藉疊石於其間信知小許勝大許  
誰云假山非真山世間真假已紛矣棗葉須彌寧繫此  
却看巍然幾岫中時有英英白雲起

魚磯

列谿之魚鮮且碩坐磯學釣藉苔席得魚固佳否亦可  
意在山青與水碧呂望釣得為公卿嚴光釣失仍得名

擲竿大笑非吾事不如放去任闖萍

秋英

我愛秋英勝春英春英木本秋草本草也猶能芳颯時  
固勝木逐韶華遠堂前堂後羅丁星冷黃悽紫難為名  
山蝶入叢看不見飛上研山滿案馨

檀梨

山中有檀秋已熟閨庭自落聲簌簌野果含霜味亦佳  
何必張公珍大谷朔桃期棗總虛譽鳥啄鹿銜那禁渠

莫嗤傖父饋酸味酸味回甘甘有餘

綺望樓

傍晚陟西岡就陰為趁涼門階倚山谷樓戶俯城牆碧  
宇開金顥黃雲報綺望祈年今

昔揆即景祝宜暘

澄觀齋

綠水階前帶翠岩簷後屏虛齋信生白秋樹尚餘青鹿  
跡留沙軟鶴聲警露冷澄觀觀底事色色復形形



戲題翠雲巖

疊葉堆枝互簇攢端知飛翠勝流丹昨來殊厭觀雲矣  
却是巖前不厭觀

河南巡撫常鈞奏報開封水消及河奪溜楊橋諸  
情形詩以誌事

方伯飛章速置郵開緘一慰一以愁慰因開封漲水退  
愁在河奪楊橋流下趨賈魯雖古道不經久豈隄防脩  
川不能容必奔放豫齊處處將貽憂已聞南河詫奇事

河水反落霖霖秋

尹繼善奏徐州一帶於七月二十等日河漲陡落丈餘上流疑有冲漫遣

人分赴探視云云計其時正豫省奪溜次日也然中州地處高原楊橋散溢下游澤國得免水患不可謂非

幸矣

實因散漫殃迤上正流弱乃淤泥留一患浸淫生

百患南望怒若予飢調急則治標事遮障俾歸故道遑

他謀重臣一再遣往勘

先是祥符漫水報至已命襄曰修赴豫相導河渠至是復命劉

統勲兆惠馳驛前往專司董築賈魯河奪溜急工

督築兼命視賑調宣房後已

失長策補偏實更無良猷平成乏術方抱愧救民慢惜

司農籌

登四面雲山亭子

清秋雲散碧天露策馬遂造最高處谷中婪熱尚覺炎  
峰頂峭寒不禁遽幾番畫意徒凝眸今朝親到興始酬  
樹猶張王二字皆去聲依巖綠泉自清涼羃石流近村遠墅  
都結攬黍高稻下黃雲染關外秋成乃爾佳豫民被潦  
頓遙感

敞晴齋即目

尋勝行行陟翠椒山齋薦到敞晴霄騁懷真是欣新霽

憩倦因之坐野寮  
啼樹閒禽疑對語  
隔峰馴鹿若堪招  
夕陽滿谷催寒靄  
下磴言歸過石橋

水月精舍

月是中秋好水當  
白露澄因緣真罕  
邁俯仰恰茲憑朗  
照大千界飛流百  
道冰花宮畔精舍  
靜對佛心燈

素尚齋

詰屈山徑幽綠雲  
蔚其上綫天中得  
路到齋却寥曠向  
來延緣處歷歷都  
在望五楹所虛受  
峯巒乃萬狀偶此

寄崇情于馬愜素尚

晚歸

尋鹿不覺歸來晚雖崇山中實御苑碧天無際玉輪高  
世界如遊廣寒宛豎峰橫嶺大光明萬樹蔚作丹桂榮  
却笑吳剛縱有斧一時何以脩交撐出谷徐行尤清美  
兩兩紅燈來接矣月色甚佳安用爾爾輩效勤慣若此  
題蓮花室

雲山勝地聳高樓靜室蓮花樓上頭調御丈夫無色相

應真十六有源流憑叅水月還天月如是今秋即昔秋  
一切塵心茲淨掃不忘兩字

祖恩留

再題千尺雪

窓納平林野意賒山之曲復水之涯煙舟便可從茲放  
欲訪還應是戴家

學古堂

信步過煙隄書堂隱石蹊

奎文懸日月義路示端倪稽則心有獲議斯政不迷髻  
年今半百識

訓耳言提

春好軒有述

元為四德長仁實四性君以此言四序了知都是春蘅  
臯構廣軒棟宇樸且淳每來雖凜秋生意常懷新猶憶  
孟子言萬物備我身藹如可云息盍若當以純願言敷  
惠和躋臺薄海民

招涼榭

午熱圖延爽因之水榭虛綠陰風果隋藍尾暑全祛欣  
為秋宜稼愁虞雨致如愁欣渾不定臨眺且躊躇

沈周秋巖眺聽圖

有樹丹青有瀑冷色宜眺復響宜聽南人本不來北地  
那寫山莊無遁形

臨芳墅口號

別墅蕭閒碧水涯中秋依舊有荷花臨芳設問為誰宅



應對瀛溪周子家

駐伊犁大臣阿桂等奏報二麥大熟因用杜甫送  
高三十五書記詩韻首句恰與崆峒小麥熟同  
體遂用全章韻紀事然彼當季世而黷武不已  
宜詩人之刺今則遇綏豐於耆定之時亦反其  
意云爾

伊犁二麥熟久矣旋王師少留更番戍屯田俾勤為厄  
魯固爾札廟火燄早飛

前事見詩

霍集占馘獻大安反側兒

雖有幸灾者即今奚遊辭默克逮西溟無不韜國威功

成弗可棄此語人盡知歸化回亦知遙覲瞻朝儀衛拉

乃無人都護建閭麾朝彥掄英材百凡抒忠思綠旗本

習農墾藝令乘時索倫善騎射偵候戈壁涯耕回挈眷

遷使無離別悲

準噶爾曾遷四城回人至伊犁令種田霍集占反迴回城時伐木拆廬盡携回

人以去今仍命遷迴伊犁種田又董理烏魯木齊屯田大臣安泰奏報收穫倍稔贍給廩糈外尚多充羨因命廷臣等議綠旗屯丁及沿邊無地民願携孥墾耕就食者聽日久能似熟河口外之生聚則盛事也心焉企之

人事庶云盡

天恩至亦隨屢豐既兆慶功惟賢臣歸甫也即重生何  
以為刺詩

即事三首

前朝午熱蒸宵雨昨日西風放晚晴始識山莊秋景好  
合循慶典愜輿情

舊藩新附胥來賀下隰高原已報登仍是孫謀  
昔貽厥敢云

祖武此能繩

今年秋雨實過甚今日始知秋色佳却憶豫民遭暴漲  
安能一刻得紓懷

題含德齋

書齋額含德每憩緬

堯箴俛仰禽魚趣無非精一心

神詮昔曾揭理境此堪尋永懋日新志如承師保臨

繪韻樓

高樓萬山裏繪事擅神工清聽去聲泉淙澗仙聲巖落風

真堪娛耳目那更數青紅六法天然具升堂王氏蒙

敬晴齋口號

皜日蕭風霽景澄層峰疊嶂翠稜稜予心亦與晴空敞  
方信高齋忖度能

清綺書屋

一株老松當牖盤竒形翠色傲歲寒書屋雖然號清綺

了知元

稹李

商

不如韓

愈

中秋

中秋昨歲度皇州今歲中秋塞景道且喜一天晴趁意  
更看滿魄月當頭照來野水都含鏡高處平齋可號樓  
檢校前年饒底事餅瓜筵上賸軍郵

前年秋駐此回中  
方奏霍斯庫魯克

等處之捷嘗以節夕治軍書  
至宵分不輟對景宛目前也

妙嚴室六韻

梵寺宵三摩文軒別一窩當秋常至止值暇聽波羅磬  
水帶峯驚香林襟嶺螺憑窓叅妙偈摘管得新哦那有  
寒山入堪招玉局過天花都不著幽籟拂雲和

千尺雪歌三疊舊韻

辛未之秋此初有題名為幸寒山後壬申癸酉一再疊  
皆早揮毫勒戶牖此來辛復一週花迅哉駒影真無加  
其間七歲闕疊韻非不歲歲來此如居家葛沙日逐抒  
誠素食黠懷音饗咸獲軍書旁午費運籌那得餘閒領  
清悟武成事共逝水潏予有干城奏凱還行秋習獮止  
常例乃得乘暇挾藻崖之灣崖之灣雪灑灑光翻上響  
徹下始如處女後脫免急不可捉曰緩安能把明春行

復當臨吳聽雪小閣依然夫四圖具美自佳話微嫌芥  
憊猶分區文章大塊真錘鑪今來昔往咄咄徒云吾瀋  
瀋振鷺落野湖曾不知過去未來現在勞逸同與殊

寧靜齋

青山本是常寧體綠水原來至靜心著箇閑齋山水窟  
神寧氣靜得資深

再題食蔗居

迴峯絕澗歷千盤精潔山居峭壁端身世蕭然滿秋意



大官休說有漿寒

面臨幽谷背層峰峰上蒼蒼多古松我故無心學仙者  
也疑佳美此間逢

倚翠亭

窈窕廊通步虛明亭暢懷有窓安牡蠣著壁倚雄崖望  
去青霄近排來翠色佳寧云緬堯儉却是土為階

松巖

孤亭四柱俯松巖巖上松濤了不凡七處徵心八辨見

何如坐此悟楞嚴

雨八韻

八月十九日

傳宣將啟蹕一雨又停鑒留客山靈慣得權水伯歡信  
佳駐仙境其奈塵河干決口築何日洪流湧尚湧仁人  
敢同惡灾亦適當難南北幸遙隔陰晴或異看入宵勢  
稍殺望豫感多端豈不延清賞吾非為暢觀

題錢維城塞外秋花九種

玉簪

夏芳出塞耐秋馨  
繪白為花顯葉青  
子于鶴仙心不繫  
也來叢畔肖其形

藍菊

萼承露葉受風斜  
那識東籬處士家  
雖是此花名冒菊  
可知還有出藍花

剪秋羅

秋羅底把并州剪  
應製仙人霓羽裳  
漫說漢宮秋色好  
請看秋色在山莊

雞冠

無聲絳幘玉階頭以意分明報曉籌  
榆塞楓宸寧有別宵衣一例慎咨疇

萬壽菊

葉顯璫璫為正碧花衰琥珀是真黃  
幽風八月稱觴句常裛仙莊湛露瀼

牽牛

悵稱花葉擬天星莫誠非佳又乏馨  
火種刀耕闢塞外

牽牛頗喜叶農經

秋海棠

反紅正綠渾難畫  
酸態嬌姿正可人  
春好軒

山莊內軒名

前

風露好居然八月有三春

老少年

是花皆葉絳歲蕤韓衆千年貌似兒  
此卉最宜關外種  
西風颯颯雁來時

菊

野卉家葩秋本稠  
菊花開際衆芳收  
女夷誰道惟司艷  
可識幽貞氣獨投

即事

山靈留客示奇蹤  
憇置無言似太慵  
過雨隄中垂萬瀑  
收雲天外現雙峰  
蛩聲隱約辭寒蘚  
樹色侵尋讓老松  
待罷木蘭合仍駐  
應非秋矣栢初冬

八月廿三日作

鼎湖縹渺隔雲天  
瞥眼攀

髯廿六年

遺詔墨光如昨日一番開讀一潸然

寫心精舍

每至思

皇祖今朝

皇考思益深悲

序繼實恐負

謀貽武幸臻者定豐惟祈屢綏向誰寫心是無我息肩

時

熱河啟蹕幸木蘭作

山莊留駐俟橋搭鹿候秋分難再遲幾縷雲徂澄碧落  
數灣漲退露蒼涯舊圍喀喇沁遠待新附烏梁海並隨  
示度頒恩均有事此行寧祇為遊嬉

入崖口

九轉伊松漲始消吉驄攬轡度溪橋按程也欲輿情愜  
習獵從來典制昭紅點綠林蜀錦織水淙石漱塞琴調



巖葩盡是芬陀利便爾香山未覺遙

香山亦有崖口  
見宋之問詩

木蘭行園即事襍詠八首

將謂秋深栢隋寒新紅濃綠尚興安  
賡詩自有諸學士  
執役方來衆可汗

魚麗雁字講縝紛習獵由來寓習軍  
敢謂拓邊還定武  
周書垂訓此尊聞

抨矢彎弧忘臂病

今秋頗覺  
臂畧痛

亦因乘興亦先身都爾

平聲

伯特烏梁海況有新來觀化人

黃幕高張面翠陵  
筵開灑馬錦雲騰  
呼韓上壽尋常事  
漢史嗤他太艷稱

檀廬雖是不懷居  
宜月宜風便有餘  
適暇挑燈惟著句  
勝前歲此治軍書

丹楓翠柏金官績  
山色溪聲大塊文  
寓意由來不留意  
閑中無礙靜中欣

崇山尚自行泥淖  
今歲秋霖盛絕殊  
陡憶楊橋歌瓠子  
即今歸舊有成無

粗觀大意過秋山詩稿將盈篇幅間何必多今從杜語  
非闕藏拙實偷閒

永安泮園塲殪虎

白沙翠栢山四圍國語永安名久垂

國語永安泮者漢語沙岡也

林

天石海滂湃披北人使馬如舟師陸離淫裔張魚麗藏  
幽伏莽母或遺獵虞報有虎負嵎叶遂往殪之率伙飛

要遮前後緣坂熾威不可當曳尾馳失險遽卧淺草陂  
隅谷下馬相高卑虎神鎗一發斃之厄魯回部胥扈隨

咋舌脫帽欽服其此亦偶然何足竒先是射鹿命炙炊  
藉草為席樹為帷割嘗徧賜染指誰君臣和樂逮海涯  
靈器世守

皇祖貽允戈和弓竹矢倭同珍其誰曰不宜

出伊瑪圖口

塞山千里是周陞

木蘭週千餘里以山為禁其外北則遊牧南則民田無圍塲矣

出柵

依然見室廬

凡谷皆設柵為限俗亦名柳條邊

廿日猶蒐止適可九秋

困鹿幸豐餘村村煙火關民計處處耕桑異古初

此處勝朝

以前率拊之臨脫  
民所不能到也

保泰詰戎胥要務深宮高養敢萌予

### 木蘭迴蹕至避暑山莊作

仲秋啟蹕返深秋彌月無何駒影道迴望木蘭雲共遠  
到來仙苑景還稠楓丹每向松邊見泉響偏於風處流  
如此佳山可漫置合教數日翠華留

### 題樂成閣

魏閣芳園萬樹旁遠吞山靄俯宮牆一溪熱水今還昔  
溫泉過中關合武列水經山莊  
東南入滌河熱河得名以此  
四野平川耕與桑每慶

塞豐酬力穡亦開鎬宴惠來王五年籌筆拓疆萬成武  
庶幾樂未遑

敞晴齋

極北深山別一區樓臺總覺是清都秋高越致晴光敞  
谷輿偏留樹色殊既不常來太懶矣仍教亟去底為乎  
曰予猶望門墻者孔席慙同暇暖無

入古北口作

綠樹看從關外迴暖延秋序倍長哉

往歲迴鑒時關外  
林空關內復見綠

樹今秋倍暖關外總緣  
樹葉依然未落云

慈慶因而篤信是

天庥栽者培邊計古休問守禦民生今祇懋臣徠迎鑒  
祝

嘏輿情聽

古北提督及直隸總兵等備  
經壇祝聖母壽因聽之

陽月欣臨

壽域開

錢維城倣黃公望秋山

秋入興安萬竅吹山蒼雲白樹叅差扈遊自寫胸中趣

却說無端仿大癡

米價一首

米價交冬長夏時都因一澇致如斯市人近利難平踊

天道虧盈詎有私奢望已虛審我咎

春夏之交麥收既豐大田亦可望有

叔七月大霖雨致澇實可惜也

沛調以實厯其危豫民昏墊灾尤重堵

築功成迫待知

微雪

十月廿三日

秋霖今歲實傷過含凍猶欣潤麥科並匪望殷逢望外



果然宜瑞不宜多細飄未至銀鋪界微積剛看玉灑坡  
自是為膏還協候午晴融盡小陽和

仲冬萬壽山清漪園作

小憩清漪退問

安颯然冬景又堪觀山烘日色淡而暖泉帶冰聲響且  
寒倚檻晷方長牖朗進舟川未凍波寬往來都為祝  
釐典一再欽籌意倍歡

大學士劉統勲協辦大學士兆惠等奏報楊橋決

口合龍詩以誌慰

秋霖河決致災侵億萬蒼黎繫念深特遣重臣資碩畫

善能集衆益詳斟功無時已歌寧信事在人為語允謔

倍價那愁薪不屬

豫省草直每束例九分以鄰近多被水淮其倍給料集工速

抒誠

早勝玉還沈栢冬歸舊神哉沛刻日傳佳慰以欽不築

宣房築靈宇佑民輦堰冀來歆

工竣時日晴風順迴瀾迅捷靈貺昭應因命即

工所建河神祠親題扁額申為民報祈之意

九老會詩有序

九老會昉於唐而繼於宋然宋自別名為耆英而唐亦始以七後乃成九且彼或朝野雜廁文武錯參甚至縉流並預益無取焉我

國家

累洽重熙漸摩培養史稱世如春而人多壽信非虛語

恭值

聖母七旬慶辰命舉九老之會用晉

萬壽之觴蓋諸王與在朝文臣為一班武臣為一班致

仕者別為一班各得九人統名一會合二十七人之歲得若干所謂三壽作朋如岡如陵詩不云乎孝思不匱萬壽無疆萬壽維祺志所宜然事或難必合廿七人若干歲以為

聖母壽

天其申命錫予乎朕成首倡三章諸臣自紀其事有不能詩者命內廷翰林代成並勅畫院繪圖於以熙鴻介祉永茲盛典將屆

聖母八旬九旬期頤以至若干壽則我朝臣之登眉絜  
耆鮐者必亦蒙

庥近先與年並增朕當十年一舉盛會其歡喜慶幸曷  
具有極哉

昇平人瑞有天潢會領文臣例栢梁  
履親王顯親王並  
以年逾古稀為是

會領袖視漢栢梁聯句首廢者  
宗臣惟梁孝王一人實已過之總沐

列朝厚培養共看難老効勛元豐二相今猶在  
大學士來

保史貽直皆康熙間舊臣年逾八袞較  
宋富弼文彥博之列耆英會榮有過焉履道諸賢詎可

方

慈慶熙鴻欣錫類羣仙引進

萬年觴

右在朝王大臣九人共六百七十七歲

予有折衝曰禦侮泰平克壯壽駢臻據鞍矍鑠寧當代

獻爵從容合此辰行已耆英纔一老

宋耆英會中曾任武臣者惟馮行已

一人今九人皆現仕且職備中外足副盛典

溫城恩遇有多人延禧佳會伊

今始詎為高談世似春

右在朝武臣九人共七百二十二歲

會昌九老皆林下詩酒無過自倡酬詣闕不聞緣祝  
嘏懸車久已恣優游煙霞供養得真趣藥石和調那浪  
求廿七人餘二千歲啟祥

七袞慶添籌

右致仕諸臣九人共七百四歲

命九老等遊香山再題以句用白居易詩韻

九老作朋總廿七陳顛華髮暎髭鬚廟堂未免拘儀度

泉石特教恣讌娛丹陛暫辭心肯忘玉關歸後氣猶麤  
聽松祇合鸞杯舉陟嶽寧須鳩杖扶一例香山南讓北  
千秋羣彥畫成圖如今擬問白居易似爾當年少欠無  
恭逢

聖母七旬大慶

慈寧宮慶賀禮成誌喜

重熙累洽世蕃昌

壽茂



萱闈五福穰

七袞開臨七日復萬方歡奉

萬年觴恩覃錫類承

慈志冊進徽稱篤

懿慶十載一週行盛典仙籌綵綫永添長

冬至

南郊禮成述事

亞歲迎禧

首祀行在懸應律肇陽生鏞鐘特磬稽前制

此因臨江得古鏞鐘

參考仿製副以特磬大樂條理乃備今

大祀始用之

玉振金聲集大成一統咸

賓欽

錫羨重熙幸際慎持盈敢希

穆穆居歆眷庶

鑒夔夔對越誠

雪

十二月  
初七日

秋霖餘潤無資雪冬麥含萌有雪宜問夜天衣稱霽霽

侵晨玉葉益綏綏臘前應節祥堪卜望外逢霑喜可知  
昨已傳宣幸瓊島瑤林生面一探奇


雪中鏡清齋作

水鏡風與開冰鏡雪與揩開或光無定揩實朗益佳配  
藜照曜呈上下晶明皆觸景得新會今朝雪裏來

除夕

日自朝還暮歲分辛與壬壑蛇寧可挽尊獸又當斟暖  
熟薪盆氣吉祥竹爆音年華有新舊不異愛民心

御製詩三集卷十六



總校官庶吉士臣侍朝

校對官編修臣閔惇大

膳錄監生臣任益春

欽定四庫全書薈要

集部

御製詩三集卷十七



詳校官原任編修臣徐立綱

欽定四庫全書薈要卷一萬三千四百四十六


集部

御製詩三集卷十七

古今體六十八首

壬午一

壬午元旦

曙色集纓簪首祚朝正黼座臨賓始春臺當罟布

勅幾褰海厘懷任特懸初復鐫鐘制應律欣聞太簇音

大樂鐘磬新具特懸黃鍾之宮既於南郊  
首肆之今孟陬太簇叶律實自正殿朝元始欲使恩

膏被民溥更殷兢業與年深

元旦試筆

普淖羣雍啟泰陽  
焚暝曙色是春光  
月壬訢合歲壬建  
七始闡披華始昌  
法

祖敬

天心不息愛民勤  
政念方長中牟冬  
仲工纔蒞可徧咨  
田茁麥芒

青陽一氣八瀛覃  
考驗寧需邕與譚  
協紀壬干符坎德  
辨方午位配離南  
便希赫粟如火火  
敢懈惕乾玩九三



宿玉扶筐多瑞色  
顒祈今歲美田蠶

玉盤謠疊舊作韻

有序

西濛穴掃元戎重  
器同遷北漠屯  
開督護遺珍載  
獻在德致詎誇  
夫倂玉而功成  
宜切於銘盤一  
圍因以重之兩  
美茲其合矣爾  
乃闡河粹毓準  
部材程昔焉青  
鉢偕登世作蹕  
林之寶昨者金  
屑不守時投甌  
脫之墟當夫琛  
賁來庭允和列  
序璆琅匪乏奚  
煩徵典瑞於骨  
都輪廣依然亦  
未著鐫文於

阿渾祇以五基殊績捷應轉圜百部永清懽回覆  
盜此則達瓦齊故物已虛槃敷行酒弗辱乎降王  
阿睦爾撒納齊貲空盜大弓韻蹠究歸於太府是  
用搞二篇而述事鑄謝鼎辭閱三載以繫時歌箴  
座侑云爾

與昔獲盤符寸尺隻復成雙補闕益忽分忽合無情石  
猶覺愉焉色潤碧却似延津龍躍澤是宜有詩紀其跡  
出師昔歲畧崑崙五載功成咸來賓天方默克西瀛津

或貢鑠甲或玉鐻付之有司武庫存精金華服綵帛完  
薄來厚往已數年物固有幸奇聯偶伊犁扼要輪番守  
儲胥詎藉邊內取哈薩布露胥地醜敢萌覬覦市易走  
墾耕忽見此盤有驛致同舊列左右絕域秋登萬寶滋  
既足食矣還足衣喜固在彼斯非奇敢因志滿不戢師  
天庥敬奉戒恬熙福謙保泰永誌之向欲速矣思增椎  
前篇以得盤時逋逆尚未就殛  
故有擬付鄭人一例椎之句

# 白鷹歌

霍罕額爾德尼伯克所進歌以紀事

受將軍檄遮賊魁設罟未入慚雉媒

逆酋霍集占兄弟窮竄至拔達克山

獻馘而安集延霍罕諸回部一奉軍門割並請設計誘擒雖逆酋未及取道而先後惴忱備著

捧首以

降心無乖方物屢獻表賓徠每教厚往而薄來九經正

義誠昭哉白鷹今復致鷲材雪毛金脚刷羽暄下韞目

不留狼豺鵲師赤養皆旗回

回人養鷹鵲者謂之鵲師赤居之京師隸八旗蒲

萄餵肉那可儕開門揖盜謀非佳博觀今古益凜懷作

歌匪詡遐荒開

馬遠尋梅圖

不有貞元氣安知天地心  
斯能消息報溪畔一相尋

新正重華宮侍

皇太后宴

荅臘冬冬送喜頻韶年綺宴奉

慈親西池敬進南山壽

八袞初開首歲春  
火樹銀花迎節物  
吳童越叟望時巡  
宮中行樂同天下

聖母康寧萬福臻

安期棗

漢玉如棗大因  
以名之並題句

無核仙人棗來應自海東如瓜雖遜大蒸栗謾言紅真  
誥諭長史佯詢譏景公持將獻王母甘與玉文同

盛懋瑶林積雪圖

寒林白屋依微出蕭寺紅樓縹渺橫借問板橋驢背客  
眼中景可入詩情

降旨加賑豫省去歲被水州縣詩以誌事

楊橋昨秋河奪溜普築柏冬工幸就爾時普賑濟燃眉  
帑粟不惜期速救方伯量移取熟路曰有事焉資善後

胡寶瑔前為豫撫曾命會辦通省渠  
工去秋有楊橋之役復自江西調任

頗聞淤田麥秧茁

便冀有秋時尚久叶方春生養萬物歡豫民獨苦予心

疚災有重輕本不同賑加一再分薄厚旋轉化機賴

天庥客冬三白鱗塍宿顓祈赤子復元氣博施寧誇補  
罅漏

和闐玉韞

方物和闐獻良珍器用資矢催肅慎氏績底鞫勞支德  
佩猶堪繹武成敢即熙祚孫非所擬惟切燠休思

題金廷標人物

對梅鋪紙與傳神香影真情領畧親彷彿山中高士道  
冰肌同是箇中人

降旨免江浙積欠詩以誌事

有序

春頒青陸將迎

鳳輦於維南日下黃封早佇雞竿於自北爰仿再巡之



典制俾寬三省之供輸念額徵既羨乎鄰疆知尾  
欠旋贏夫比歲雖遇徵青而必緩長官自識勤撫  
字以輟催科即希明詔而少延下戶不無覲新恩  
以紓舊課嘉彼祝

釐之共切廣茲

錫類之咸周匪矜濫澤十行懽均白屋惟厯始和二日  
令協紫泥云爾

行時葆駕指東南嘉與吾民共樂湛財賦重區歲有欠

催科概豁澤均覃積逋豈計萬已累

三省共八十萬兩有奇

旁及

俾寬省以三

安徽本所不到亦免之

較彼豫人誠厚幸一為歡喜

一為慚

沈周疎簾看雪圖

疎簾捲起那言涼愛對梅芬松復蒼外相不徒稱一合  
早將冰雪作心腸

新正瀛臺

韶正郁靄瑞光浮西苑行時偶燕遊寶帖宜春金薤墨

綵屏延壽玉麟洲萬年枝是彤墀植六出花猶碧瓦留  
百歲重熙人樂業歡聲爆竹滿皇州

### 韻古堂

西江出鑄鐘東壁稽冊府定樂概增今

今以臨江得古  
鑄鐘仿鑄入樂

副以特磬備十二律聲振始終之節  
古鐘闕一者並為補足弄之堂中

藏器號韻古服堯

之服頌堯言不行堯行堯豈然韻古顏堂吾慙旃斯民  
三代語不刊安得華胥風現前

### 豐澤園

左藝蔬畦後弄田園名豐澤緬

堯年新正滌氣迎條鬯萬國春臺願美全紫脫朱英非  
瑞應人和歲稔冀祥駢幽風圖畫天然繪于耜時臨意  
倍乾

虛白室

窓納數峯迴棟隆三架幽既虛堪悅性曰白不關眸逕  
曲無塵到庭深有竹脩華鐙非所綴雅合片時留

竹逕

竹逕依巖掃雪堆琳琅合撰助栽培因之遙憶河南北  
能否均教護麥芽

戲題聽鴻樓

翠蹕行將啓葆旗東南望幸答情期高飛雁際花低發  
分付橫樓紀歲時

文徵明蘭竹

一首尼山操三篇衛國詩真教授氣味誰復覺參差介  
入歲蕤影香含瀟灑枝衡翁非漫作應為寄相知

題漢玉璫

鳳人事磨琢君子贊威儀  
出地唯天見興姬得望時  
禮圖繪有據文架置無歌  
穿孔居然在誰當罽繫施

布魯特額木爾貝所獻七首歌

回部大定興農耕分駐宣撫留朝卿  
其中喀什噶爾城近外部落嚴候偵  
有布魯特馳使伴厥長額木爾貝名  
獻玉七首來輸誠佞盧回書仍左行  
譯出一一申葵傾向因路阻兇醜兵  
戡逆靖亂今太平地為王土人王氓

貢物表敬慙非輕驛致金闕由海明

時侍郎海明  
駐喀什噶爾開匣

尺八居然呈龍鱗其室櫛以頰玉柄金鏤象鼻形抽看  
光如波溢青月芽直芒披電星封還銷鑄胥矯情咸賓  
用識王道貞

祈穀齋居

首歲

祈年躬謹行齋居遷坐肅精誠銅人對似臨師保玉漏  
聆常凜旦明瑞色農占宿三白宮聲市語徹新正春聯

朱戶書金馬  
悲我殷殷奉  
若情

方從義畫菜

向背分明葉簇攢  
灩灩似氾露華寒  
栽培自不如老圃  
滋味何妨識大官  
且喜煙蕪共長養  
湯同冰鯉齊去聲鹹  
酸融融生意春  
鐙下畫幀當如漢  
詔觀

題大理石屏

盈尺昆彌石自然  
成畫圖有天千嶂  
倚無地一亭孤林  
是不凋樹境惟絕  
俗區羸他王宰蹟  
粉色已模糊



降旨命直隸總督山東巡撫優恤去歲被水諸州  
縣詩以誌事

豫省去歲當河決災重優恩施次第江蘇兩浙與安徽  
喜遇春巡澤亦逮新正寬大宜頻頒齋暇益切憂民意  
直隸山東昨秋澇較豫雖輕實波及叶發帑發粟毋或  
靳惠俾均霑勅大吏猶厯春月賑期完寧免不接青黃  
際用是十行再申命方伯胥應善撫字災有重輕戶殊  
貧保甲可按知極次加一加二率咸知即使再加莫拘

例君臣皆食

天祿人嗟嗟羣赤無祿位恤民設不盡此心寧弗深慙  
曠工義

題和闐玉鏡臺

巧琢和闐玉渾成開府臺采花初未識納聘訝徒猜明  
倚辟邪鏡祥同照世杯奇珍非所謂惟是識招徠

戲題陸治瓶花

紅海棠依白水仙陳思王晤李青蓮如何洛浦頻背面

似與楊家未慙然

詣齋宮二首

龍旗玉輅出都城樂設金鐃不作聲

詣齋宮日鹵簿設樂例不作 預

日齋宮自成例

祈年初祉倍虔誠

辦香

穹宇告親來步轉東廊視豆迴遂即齋宮居惕息辟詩

遍讀凜規恢

祈穀禮成述事

元正

祈歲卜先春

是月十一日立春

吉日惟良祀

上辛益切欽哉茲對

帝勉思仁也始為人

是日值人日

豐綏西北千倉積令啟東

南五載巡願與吾民共休養萬方和樂戴

洪鈞

詠木桃

何代靈根此曲卷綏山一顆自成仙枝頭那慮搖風落  
盤裏猶疑帶露鮮東海險哉殺三士西池幻矣熟千年  
獨因想見芑苴禮衛國風吟第十篇

陸治花果籃

夏英冬卉爭舒艷圃果畦蔬共佐餐謾道四時一合相  
化工賦物本齊觀

人日

人日恰逢辛昌符叶志新

南郊迎介社

是日祈穀

三宿先元春

十一日始立春

盤菜鴻禧薦屏

花燕喜申晴和真吉兆所願福吾民

唐寅深巒雲屋

孤峯刻削插青旻立若無根根是雲過澗伊人來不去  
為欣見見副聞聞

題玉鏤韞上泉傍觀梅圖

山邊復水邊忽見一枝妍人訝弄珠是泉猶瀑布懸風  
流香足鄙跌宕格堪傳春信來何似無殊矢在弦

同豫軒

西苑行春春未歸  
開年已覺盜韶暉  
賜筵高閣待儀備  
小憩文軒愛景徽  
市俯六街欣既富  
日臨八穀卜如幾  
吾民同豫吾恒願  
豫在屢豐願每違

韻古堂

特懸古器出江邊  
曾見姬家建子年  
一笑拘墟吾未免  
泉聲風籟總同然

素尚齋即景

修竹蒼松積雪滋庭花耐可遲去聲芳蕤天工繪事言詩  
似尚素原為醞釀時

賦得賞脩竹

淋漓清勝以竹題額眇

堯年个个琳琅列聲聲角徵懸四時皆入賞千畝祇虛  
傳護徑數竿足畫窓一幃便古今常有契風月總無邊  
元凱如堪擬吾方意渴賢

寶月樓六韻



鈞軸青旗轉璇璣玉燭調高樓春可望斜漢月恒邀旭

靄占多穀

是日穀

露涓詠蓼蕭敬思九功叙敢詡八瀛朝

綵燕翔屏綺銀花壓勝韶晚來鈎影挂欲釣上元宵

新正紫光閣賜外藩小宴即席得句

歲歲名藩賀正入筠冲今益覲光臣元朝式序羣公拜

蒙古汗王貝勒公等各視品級叙  
於內親王貝勒公等之次行禮

曲宴還教三接申勅

壁畫圖思偉績

閣中備列功臣畫像并贊

開筵酒醴款嘉賓

蒙古諸王優稱

賓客之曰呼韓位在侯王上漢室偏誇服遠人

武成殿卽事

筵開御延閣儀具憩廣殿惟是念衆勞敢曰恃

天眷周廊泐壁詩數載籌筆見處泰益乾惕際和戒安  
宴武成一再過孜孜圖永奠

承光殿

曾城巍邃殿宴罷一登臨地迴春風早蹟陳古木森唐  
花多淋色時鳥有和音與物欣韶泰瓊華又佈陰

蟠青室

石梯入屋躋層巘坐榻還憑碧牖櫺橫嶺巖峰皆玉染  
却看室裏鎮蟠青

悅心殿即目

承光直北是瓊華宛轉虹橋路不賒積雪欣滋瑤島樹  
輕陰又疊赤城霞梅將春信徐徐遞詩與韶光旋旋加  
因憶子輿明訓在悅心禮義足生涯

賦得一房山

房貯山幾疊堪稱山一房天台賦讀綽太嶺畫披王自

有春苔潤豈虞秋樹蒼開窓偶騁目表裏映嵐光

題靜憩軒

靜憩軒實青宮名爾時真靜亦真憩居今那有靜憩時  
無過相沿額勝地悅心殿側室三間蒼松怪石頗佳致  
額以靜憩亦多年過門不入則且置即使入室暫徘徊  
筍席曾無暫暖事春晴慮旱每蹙眉秋霖懼澇常塵意  
萬幾終始懷永圖一心敬怠凜明畏聖人主靜我未遑  
高軒得憩以為愧

文徵明松陰高士

瀟落茅菴淺淡山野橋欲過又成還  
屢屨已有班荆者  
付與林泉相對閒

玉盤聯句

有序

懷任協紀齊頌九譯之春  
姬訾迎韶早展重華之  
宴試覓新題於甲觀寧  
沿舊例乎辛盤則有西  
部輸珍尚方典器青筠  
浮面一雙承露交擎碧  
苔為  
跌三五曜靈滿暈始也  
軍諮驛遞未碎斗而楚  
帳

鳥飛繼焉屯長犁翻存竊鉤而魯庭盜走失守見  
可敦並棄龍沙鼃采猶韜得時思咱馬同陳魚海  
土花不蝕矧乃泥都梳進朝端餵肉無煩和卓第  
來徼外分醪足樂維

鴻庥告永清之會正神物昭終合之期既偕地出圜鐘  
元氣兼通乎異域還應霄呈疊壁貞符適叶於前  
年當茲什襲初披六巡載詠禁中頗牧胥目屬以  
爭誇臺上鄂褒亦手捫而暗認繫爾韻催銅鉢程

功庶慶其得全願予銘切金甌記實斲歲夫持滿

御製今日青宮集近臣聯吟例許列文茵玉盤先後來殊

域

石鼎推敲繼綺晨隔歲紫光圖凱會韶年

蒼緯荅精裡東升旭影霞初絢臣傳恒西繞山容黛半皴

綵勝吉占迎曙燦花幡芳信颺風頻鶯遷柳放梭

初擲臣來保魚樂冰開尾有莘節應棣通蠲穀旦律

調泰簇協初旬菜挑七種羅肴核臣劉統敷裘絮三英

集組紳坐列共球昭拓土班添瓊闕賀填闐辟邪

遠掃天堂穴

臣兆忠

御製延喜遙開月竈垠猶憶逐犇阿睦爾因緣收器額琳

秦

審語謂寶為額琳秦

一之為甚寧思二

天且無違而況人果見獻琛來攘攘誰容遊釜走跋跋

衛拉四部全歸吏

臣梁詩正

厄魯千羣總隸民遂有白

環踰弱水同時青鉢供香塵寶袞鞞瑱芙蓉鏐

臣陳

惠華縹藉圭璋翡翠綸嘽嘽篇文鐫詰屈堅昆枕璞



剖嶙峋汗溝流赭毛頒馬

臣劉綸

陽冶鎔黃趾鑄麟

九府圜型工肉好三河方折採齋淪苞符自效圖

書藪

臣舒赫德

御製瓌異奚誇冠帶倫欲壑伊犁興稼穡誰埋大窖出璘

珣護呵信是資丁甲

博識何須問癸辛若木葩萼分韞匱望舒暈滿儷

浮筠昔年首霜充沙漠

臣于敏中

此日琉璃對桼振瓊

筍駢函重珎輯

瑤階聯晉六符陳圉三渾約涵規數

臣錢汝誠

倍兩橫當布

指循累譯走偕車輾輾他山攻借石磨磷那誇琬

琰呈和璞

臣介福

詎數璫瑄出帝囿頒瑞記曾探大

酉搜源跡直溯西申窺同象緯聯璣壁

臣何國宗

御製薦旅梯航配鰈鷁劍契豐城語豈誕珠還合浦事誠

神乾坤奇偶成交泰

雷雨經綸濟險屯寶玉彤弓疇許盜元音大呂不

終湮性原特達馳包匭

臣觀保

質秉堅剛協化鈞幾

試崑炎光獨葆潛通虹氣蟄還伸連城價詎千金

重

臣王際華

照廡芒驚五色勻輻湊璵璠徵合軌種滋

蒲穀驗同昀捧來有澤能盈手

臣錢維城

選得無瑕可

澡身容炙具先超鼎耳斟膏用或並杯唇雙飛入

韻輝相照

臣張泰開

御製二妙同臺意自親侍從今時昔上將追陪密席遠嘉

賓

是日御前蒙古王公亦在座

武成久矣人心豫

賁獻駢如地寶臻響應鐃鐘尊典樂製侔獵鼓掌

成均夜光互燭聯形影

臣王會汾

鼉采交輝象介僕何

俟得璜偏海溘本來投石自天濱躍淵似擊蕤賓

鐵

臣金姓

啓礦如探安息銀煜煜鴻儀剛比德斑斑

龍輔恰為鄰紋凝水碧痕微吐

臣陳兆崙

廉劔山元體

最純細較廣袤齊尺寸遙覘氣象炳星辰中涵溫

潤疑丹甌

臣倪承寬

御製外達菁英異綠璫象協地天含太極圓呈

日月麗雙輪巧諧訝似能飛鏡

遠屆欣同不脛珎定識洪爐竒締造無勞哲匠費

陶甄衆形雕刻天工錯

臣邊繼祖

圓蓋併蒙

睿藻彬授簡載賡敷

黼座盍簪依永上

楓宸嘉祥喜叶南山祝

臣盧文弨

燕飲歡斟北斗醇魯寶承

匪歌酌賚荆璆琢敷舞章斌鏤雲列架頽虬卧

臣謝

壩散彩流蘇紫鳳馴

惠浹長筵銘瑞甕樂張

廣殿拊和鐸蓼芽入饌纔逢穀

臣汪永錫

御製 枌蕊粘屏始建寅三品果盛面部味九華鐙映上元

春敢誇禹貢傳西被惟對湯盤凜日新

重華宮曲宴內廷大學士翰林聯句詠玉盤並成

是什

玉盤先後合延津聯詠偏宜題命新詎謂聲靈鋪絕塞  
尚懷征伐愆諸臣共看延喜聯雙珏恰稱先春貯五辛  
果飮蘭珎茗犀液澆書底用酒三巡

瑞看雪色積龍津  
需雅含韶介祉新  
自是青宮非舊邸  
每成首什倡羣臣  
勅幾敢懈懷先甲  
詠物偏宜論受辛  
相悅徵招迂春節  
行將江國舉時巡

題趙原山水

卜築碩人軸棲遲高士情  
泉飛深澗白雲去遠山明松  
竹真瀟灑夷齊可弟兄  
不稱堪傲世傲世豈非名

壬午春帖子

首節迴韶令元正恰一旬  
朝來風自艮四海遍知春

青陽舒始氣初澤佈光天代嬪無窮已祈年一念虔  
陽和鼓動聽都雲萬物馮生海宇覃行氣乘時明發駕  
龍矜喜正指東南

玉山題壁圖

得句旋教選壁題奚童那藉錦囊携薦逢未審伊誰氏  
不姓裴當定姓嵇

立春日雪

適日雲容先集頻欣看密雪灑侵晨重添瑞色連前臘



真叶祥徵始立春綵筆花牋宜節帖金根葩瑤逮時巡  
燕齊喜氣接江浙樂共吾民戴

帝仁

仇英剡溪訪戴圖

雪壑蘆汀水不波山陰妙趣攬如何千秋佳話傳乘興  
見戴由來勝幾多

雪中漪瀾堂

昨吟瓊島兆佳陰喜罩祥雲塔影森太液漪瀾雖遲

去聲

待金山消息已侵尋

是處肖浮玉為之向有詩

千巖素鏤玲瓏竅萬

木葩生清淨林一詠江天遊目句先期浮玉此登臨

鏡清齋得句

池冰如鏡展春雪與旃磨豈不尋常到今朝景概多綴  
檐燈暎綺貼戶勝延和初澤初韶錫欽承應若何

焙茶塢

矮屋疎櫺祇兩楹竹鑪茗椀洒然清今朝第一泉無藉  
恰好収來雪水烹

畫舫齋即景

冰牀度玉浦畫舫憩雲齋  
泝氣今朝入祥霽特地諧  
韶光增詠蕩潤景足清佳  
圖展山陰棹真娛即景懷

小玲瓏室

詰曲迴廊架水通  
文軒號得小玲瓏  
筠簟琢雪虛而朗  
繪事伊誰似此工

古柯庭

飽經秋月與春風  
密雪鋪柯旋已融  
却似道人無火色

曲肱往往卧其中

文徵明古松奇石

石骨松皮了莫分松蒼石詭相入聲氤氲設如太古無名

字何致人疑布與賡

絳雪軒

東壁圖書插架多唐宮花更外庭羅酣春朶未錦舒蕊  
值雪葩為玉綻柯汜勝占來真應節青皇迎得正剪和  
非關假藉嶠山瑞瑞比嶠山較更那



御製詩三集卷十七